



შპს „საქართველოს მელიორაცია“

ქ. თბილისი

შპს „საქართველოს მელიორაციის“ მიერ სამუშაოების, საქონლის და
მომსახურების შესყიდვის მიზნით მუდმივმოქმედი კომისიის სხდომის ოქმი №1

სხდომას ესწრებოდნენ:

კომისიის თავმჯდომარე, ფინანსური დირექტორი - გიორგი ხმელიძე.
კომისიის წევრი, ტექნიკური დირექტორი - თენგიზ ლაკირბაია.
კომისიის თავმჯდომარის მოადგილე, კორპორაციული დირექტორი - გენადი კერძევაძე.
კომისიის წევრი, ექსპლუატაციის დირექტორი - გიორგი ხუბუა.
კომისიის წევრი, იურიდიული დეპარტამენტის უფროსი - ზურაბ მარაქველიძე.
კომისიის წევრი, ფინანსური დეპარტამენტის უფროსი - ნინო ცუხიშვილი.
კომისიის წევრი, შესყიდვების დეპარტამენტის უფროსი - თეიმურაზ ბექაური.
კომისიის წევრი, შესყიდვების დეპარტამენტის უფროსის მოადგილე - თეონა ბეროძე.
კომისიის აპარატის წევრი, ელექტრონული შესყიდვების სამსახურის უფროსი - ნინო ჟიჟილაშვილი.
კომისიის აპარატის წევრი, ელექტრონული შესყიდვების სამსახურის მსხვილი შესყიდვების
კოორდინატორი (სხდომის მდივანი) - ნათია გვრიტიშვილი.

სხდომას არ ესწრებოდა:

კომისიის წევრი, პროექტების მართვის დეპარტამენტის უფროსი - ლევან ტაბატაძე.

დღის წესრიგი:

შპს „საქართველოს მელიორაცია“-ს მიერ „მარნეულის მუნიციპალიტეტში ახალი სადახლოს
მაგისტრალური არხის კვ 60+00-ზე მოწყობილი რკინაბეტონის დიუკერის შესასვლელ სათავისთან
ეროზირებული ფერდის აღდგენა-გამაგრების“ სამუშაოების შესყიდვის ელექტრონული ტენდერის
(აუქციონის გარეშე - NAT) სატენდერო პირობების განხილვა და დამტკიცება.

განხილვა:

სატენდერო კომისიის თავმჯდომარემ, გიორგი ხმელიძემ, სატენდერო კომისიას მოახსენა, რომ
სხდომას მდივნობას გაუწევს კომისიის აპარატის წევრი ნათია გვრიტიშვილი.
კომისიის წევრებმა განიხილეს ინფორმაცია, ზემოაღნიშნული სამუშაოების სახელმწიფო შესყიდვის
განსახორციელებლად, სატენდერო განცხადებისა და სატენდერო დოკუმენტაციის შესახებ.
კომისიის წევრებმა აღნიშნეს, რომ პროექტების მართვის დეპარტამენტის უფროსის, ლევან
ტაბატაძის 18/01/2022წ. N შ-615 მოხსენებითი ბარათით მოთხოვნილია „მარნეულის
მუნიციპალიტეტში ახალი სადახლოს მაგისტრალური არხის კვ 60+00-ზე მოწყობილი
რკინაბეტონის დიუკერის შესასვლელ სათავისთან ეროზირებული ფერდის აღდგენა-გამაგრების“
სამუშაოების შესყიდვა სავარაუდო ღირებულებით - 586'120.00 (ხუთას ოთხმოცდაექვსი ათას ას
ოცი) ლარი (დღგ-ს გათვალისწინებით). ზემოაღნიშნულ მოხსენებით ბარათს თან ერთვის
სატენდერო დოკუმენტაციის ელექტრონული ვერსია.

სხდომაზე აღინიშნა, რომ ზემოაღნიშნული სამუშაოების შესყიდვის მიზნით ორჯერ გამოცხადდა
ელ. ტენდერი: NAT220001941, რომელიც დასრულდა უარყოფითი შედეგით და NAT220006648,
რომელიც შეწყდა სახელმწიფო შესყიდვებთან დაკავშირებული დავების განხილვის საბჭოს
(შემდგომში „საბჭო“) 2022 წლის 7 ივნისს მიღებული გადაწყვეტილების საფუძველზე.

კომისიის წევრებმა მიზანშეწონილად მიიჩნიეს ხელახლა გამოცხადდეს ელ. ტენდერი N შ-615
მოხსენებით ბარათში მითითებული სავარაუდო ღირებულებით - 586'120.00 (ხუთას
ოთხმოცდაექვსი ათას ას ოცი) ლარი (დღგ-ს გათვალისწინებით).

2022 წლის 7 ივნისის მიღებული გადაწყვეტილებით, სახელმწიფო შესყიდვებთან დაკავშირებულმა დავების განხილვის საბჭომ (შემდგომში „საბჭო“) ნაწილობრივ დააკმაყოფილა შპს „მშენებელი 80“-ის საჩივარი (DIS220006648_02(NAT)). სატენდერო კომისიის წევრებმა იმსჯელეს 2022 წლის 7 ივნისის საბჭოს ოქმის სამოტივაციო ნაწილში მითითებულ გარემოებებზე დაყრდნობით და მიზანშეწონილად მიიჩნიეს დაკორექტირდეს ხელშეკრულების პროექტში პირგასამტეხლოს ოდენობა და ხელშეკრულების მე-9 მუხლის 9.2., 9.3. და 9.4. პუნქტები ჩამოყალიბდეს შემდეგი რედაქციით:

„9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.2 პროცენტი ყოველი ვადაგადაცილებული დღისათვის, მაგრამ არანაკლებ 100 ლარისა დღეში.“

„9.3. მიმწოდებელი კისრულობს პასუხისმგებლობას სამუშაოს შესრულების ვადებით გათვალისწინებული, საბოლოო ვადის დარღვევის შემთხვევაში, პირგასამტეხლოს სახით შემსყიდველს გადაუხადოს შეუსრულებელი სამუშაოს ღირებულების 0.2 პროცენტი ყოველი ვადაგადაცილებული დღისათვის, მაგრამ არანაკლებ 100 ლარისა დღეში.“

„9.4. მიმწოდებელი კისრულობს პასუხისმგებლობას წინამდებარე ხელშეკრულების 4.2. პუნქტით გათვალისწინებული ვად(ებ)ის დარღვევის შემთხვევაში შემსყიდველს გადაუხადოს, ყოველი ვადაგადაცილებული დღისათვის 100 ლარი.“

სატენდერო კომისიის წევრებმა ასევე განაცხადეს, რომ მიზანშეწონილია დაკორექტირდეს არსებული პრაქტიკით ჩამოყალიბებული 3.3.3 ქვეპუნქტი, ასევე 4.2. და 5.1. პუნქტები, დაემატოს 4.8. პუნქტი და ზემოაღნიშნული პუნქტები/ქვეპუნქტი ჩამოყალიბდეს შემდეგი რედაქციით:

„3.3.3. მიღება-ჩაბარების აქტის გაფორმებასთან დაკავშირებული მოქმედებების განხორციელება, მათ შორის შესრულებული სამუშაოს მოცულობებისა და ღირებულების დადასტურება (ზედამხედველი) და შესრულებული სამუშაოს მიღების უზრუნველყოფა (შემსყიდველის ინსპექტირების ჯგუფი);“

„4.2. მიმწოდებელი ვალდებულია, ხელშეკრულების გაფორმებიდან 10 სამუშაო დღის განმავლობაში უზრუნველყოს სამუშაოების შესრულების გეგმა-გრაფიკის შემსყიდველთან წარდგენა, იმ შემთხვევაში თუ შემსყიდველი ორგანიზაცია არ შეითანხმებს წარმოდგენილ გეგმა-გრაფიკს და მოითხოვს მის კორექტირებას, მიმწოდებელი ვალდებულია შემსყიდველთან შეთანხმებული კორექტირებული გეგმა-გრაფიკი წარმოადგინოს შემსყიდველის მიერ კორექტირების მოთხოვნის წერილობითი მიმართვიდან არაუგვიანეს 5 სამუშაო დღის ვადაში. გეგმა-გრაფიკი უნდა იყოს, როგორც ხაზოვანი, ასევე, თანხობრივი, თვეების ჭრილში. აღნიშნული გეგმა-გრაფიკი დაერთება ხელშეკრულებას დანართად. შემსყიდველისათვის წარდგენილი გეგმა-გრაფიკით განსაზღვრული ვადები უნდა შეესაბამებოდეს ხელშეკრულებით განსაზღვრულ სამუშაოების დასრულების ვადას.“

„4.8. მიმწოდებელი ვალდებულია, სამუშაოების შესრულების ვადის გაზრდის მოთხოვნით, რაც განპირობებულია მისგან დამოუკიდებელი ობიექტური შემაფერხებელი გარემოებით, შემსყიდველი ორგანიზაციისათვის მიმართვამდე, უზრუნველყოს ზედამხედველთან აღნიშნული საკითხის შეჯერება (გარდა პროექტის კორექტირებით გამოწვეული სამუშაოების შესრულების ვადის გაზრდის შემთხვევებისა) და ვადის გადაწევის მოთხოვნასთან ერთად შემსყიდველს წარუდგინოს ზედამხედველის პოზიცია.“

„5.1. მიმწოდებლის მიერ შესრულებული სამუშაოს წარდგენა ხორციელდება სულ მცირე თვეში ერთხელ. შესრულებული სამუშაოს შემოწმებას და დადასტურებას ახორციელებს ზედამხედველი

(3.3.2. პუნქტის შესაბამისად). მიმწოდებელი არ არის შეზღუდული საანგარიშო პერიოდში წარმოადგენოს რამდენიმე შესრულება.“

სატენდერო კომისიის წევრებმა დამატებით აღნიშნეს, რომ მიზანშეწონილია სატენდერო პირობების 10.1. პუნქტში გეგმა-გრაფიკის წარმოდგენასთან დაკავშირებული ჩანაწერი ჩამოყალიბდეს ზემოაღნიშნული ხელშეკრულების პროექტის კორექტირებული 4.2 პუნქტის შესაბამისად.

კომისიის წევრებმა განაცხადეს, რომ ზემოაღნიშნული ცვლილებები უნდა გავრცელდეს მომავალში გამოცხადებულ სამშენებლო სამუშაოებისა და საპროექტო-სამშენებლო მომსახურების/სამუშაოების შესყიდვის მიზნით გამოცხადებულ ელექტრონულ ტენდერებზე. ამასთან, შპს „საქართველოს მელიორაცია“-ის სატენდერო კომისია უფლებამოსილია კონკრეტულ შესყიდვაზე, საჭიროებიდან გამომდინარე განსაზღვროს ზემოაღნიშნულისგან განსხვავებული პირობა/პირობები.

კომისიის წევრებმა განიხილეს წარმოდგენილი ინფორმაცია/დოკუმენტები, თანდართული სატენდერო პირობების პროექტი და აღნიშნეს, რომ იგი შეესაბამება საქართველოს კანონმდებლობის, „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 14.06.2017წ. N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნებს.

ტექნიკურმა დირექტორმა - თენგიზ ლაკირბაიამ აღნიშნა, რომ განსახორციელებელი სამუშაოების დაფინანსება განხორციელდება 2022 წლის სახელმწიფო ბიუჯეტის სახსრებით, ხოლო ტენდერი უნდა გამოცხადდეს სხდომაზე წარმოდგენილი დოკუმენტაციის/ინფორმაციის შესაბამისად.

კომისიის წევრებმა ერთხმად დაადგინეს:

- ელექტრონული ტენდერის (აუქციონის გარეშე) სატენდერო პირობების პროექტი და ხელშეკრულების პროექტი დამტკიცდეს წარმოდგენილი სახით.
- ელექტრონული ტენდერის (აუქციონის გარეშე) სატენდერო პირობების პროექტით განსაზღვრული „მარნეულის მუნიციპალიტეტში ახალი სადახლოს მაგისტრალური არხის კვ 60+00-ზე მოწყობილი რკინაბეტონის დიუკერის შესასვლელ სათავისთან ეროზირებული ფერდის აღდგენა-გამაგრების“ სამუშაოების შესყიდვის სავარაუდო ღირებულებად განისაზღვროს 586'120.00 (ხუთას ოთხმოცდაექვსი ათას ას ოცი) ლარი (დღგ-ს გათვალისწინებით).
- სატენდერო წინადადების ფასის კლების ბიჯი შეადგენს შესყიდვის სავარაუდო ღირებულების 0.4%-ს.
- დაევალოს სხდომის მდივანს, ზემოაღნიშნული სამუშაოების (კლასიფიკატორის კოდი: 45200000; 45240000) სახელმწიფო შესყიდვის განხორციელების მიზნით, სახელმწიფო შესყიდვების ერთიან ელექტრონულ სისტემაში სატენდერო განცხადებისა და სატენდერო დოკუმენტაციის განთავსება.

გენადი კერძევაძე

კორპორაციული დირექტორი

გიორგი ხუბუა

ექსპლუატაციის დირექტორი

თენგიზ ლაკირბაია

ტექნიკური დირექტორი

ზურაბ მარაქველიძე

დეპარტამენტის უფროსი

ნინო ცუხიშვილი

ფინანსური დეპარტამენტის უფროსი

თეიმურაზ ბექაური

დეპარტამენტის უფროსი


თეონა ბეროძე

დეპარტამენტის უფროსის მოადგილე

ნინო ჟიჟილაშვილი


სამსახურის უფროსი

ნათია გვრიტიშვილი



მსხვილი შესყიდვების კოორდინატორი

გიორგი ხმელიძე



ფინანსური დირექტორი